

Gabinete Mike Eman a gradici Minister Verhagen pa ayudo cu Valero

Miles di empleo a keda segura na Aruba



CU ayudo di Hulanda, Gobierno nobo di Aruba a logra evita ciere permanente di refineria Valero. Miles di empleo a keda segura di e forma aki.

Gabinete Mike Eman a logra di convence e compania di petroleo Valero cu ta di Texas pa reanuda explotacion di e refineria.

Diabierna cu a pasa Valero a anuncia publicamente reapertura di e refineria dentro di 90 dia. Den e tres lunanan nos dilanti e compania lo inverti 50 miyon dolar pa haci e instalacionnan operacionabel un

biaha mas.

Cu esaki mesora e trabao di 600 empleado a keda segura, un cantidad cu a termino largo lo por subi te na un total di 4 mil.

Asina cu e refineria ta operacional atrobe lo haci un peticion na contratista y suministradornan pa bin yuda.

E compania di petroleo cu ta situa na San Nicolas a para funcionamiento di e refineria na luna di juli aña pasa cu e intencion pa bend'e y si esaki no logra pa ser'e definitivamente. Motibo di e decision aki tabata e

desaroyonan internacional riba mercado petrolero den combinacion cu un disputa grandi riba e forma con e Gobierno anterior di Aruba a introduci BBO y a haci esaki vigente tambe pa loke ta exportacion di petroleo.

Mesora cu partido AVP di Mike Eman a gana eleccion na september aña pasa, Eman a declara cu reapertura di Valero tin e prioridad mas halto pa su Gobierno. Directiva di Valero a bay di acuerdo pa no bay over na un retiro masal di e 600 empleadonan vast cu ta den servicio, pero cu lo mantene nan te cu 1 di juni na trabao.

Asina mes e paro di produccion tabata masha dramatico pa Aruba. Contratista y suministradornan a mira un parti grandi di nan volumen di negoshi desaparece, San Nicolas a para bira un ghost town y Gobierno a perde di haya hopi miyones na entrada di impuesto.

Den cooperacion cu Valero, un team bao guia di Prome Minister Mike Eman y Minister di Finanza, Mike de Meza, a bay en busca di candidatonan pa sea cumpra of pa ta partner di

e compania.

P'esaki Gobierno a busca ayudo di Hulanda. Dor di intermediasion di Minister Maxime Verhagen portanan a habri, principalmente na Mexico y Brasil. Ademas t'asina cu dor di intervencion di Verhagen, e encargado special riba tereno di energia pa Hulanda, Jan-Meinte Postma, a wordo agrega n'e team di Aruba.

Entre otro deliberacionnan a wordo hiba cu companianan di petroleo Pemex (Mexico), PetroChina (China), Petrobras (Brasil), PDVSA (Venezuela) y Pacific Rubiales (Colombia). Pa tur su esfuersonan haci Prome Minister Eman a manda Minister Verhagen un nota di gradicimento.

Paralelo n'e proceso aki, den consulta cu Valero, tabata wordo traha riba un pakete amplio di condicionnan pa haci e explotacion di e refineria na San Nicolas mas atractivo. Puntanan di salida di e pakete aki ta e.o.: Preservacion duradero di empleo, yega na un compromiso riba e disputa cu servicio di impuesto (cu esaki lo pone un fin na proceduranan huridico largo na unda Aruba a core riesgonan financiero grandi), pone un fin mesora na tax holiday y bin cu un regimen fiscal na unda pais Aruba ta keda segura di un minimo na entrada di impuesto di 18 miyon florin pa aña. Riba dje e placa cu ta wordo paga na impuesto di entrada etc. y inversionnan pa proteccion di e medio ambiente rond di e refineria.

E pakete aki a keda regla den 3 decreto gubernamental cu fin di siman pasa a wordo aproba den Parlamento di Aruba. Cu esaki e refineria a haya su viabilidad bek, esaki e Gobierno di Mike Eman a trece bao atencion di gerencia di Valero. E ultimo aki no a keda insensibel p'e argumentonan aki y a anuncia diahuebs siman pasa – prome n'e empleadonan – cu e refineria lo habri bek dentro di tres luna. Prome Minister Eman tabata masha aliviado. "Nos a traha masha duro cu un team di Minister y empleadonan publico y nos tabata exitoso. Pa Aruba esaki ta un desaroyo inmensamente importante.

Cu esaki empleonan a keda garantisa, economia local y tambe e posicion financiero di e pais a wordo complece grandemente. E ta tambe un señal positivo pa inversionistanan eyfo cu e Gobierno aki ta traha pro-activo y cu enfoko riba solucionnan.

Mi ta spera cu esaki ta marca un cambio y cu nos despues di añanan di decadencia mester usa tur nos forza na reparacion di prosperidad y bienestar di e comunidad Arubano".

Den e ultimo 6 lunanan e Gobierno nobo bao guia di Mike Eman a logra exitonan remarcabel. Asina KLM, American Airlines y Cruise Lines a reanuda nan actividadnan na Aruba. Awor e ciere di e refineria Valero a wordo evita. Tambe Eman a hunga un rol importante den drecha e relacionnan mutuo cu Reino y mas y mas na wordo mira den su direccion pa bin cu solucionnan pa loke t'e relacion cu Venezuela.